

文淵閣

四庫全書

影印

文淵閣四庫全書

第一二七二冊

北京出版集團公司
北京出版社

本冊目次

夢澤集	小山類稿	雲村集	考功錄集
		附	

明 王廷陳撰……………五三一	明 張岳撰……………二八五	明 許相卿撰……………一三一	明 薛蕙撰……………一
----------------	---------------	----------------	-------------

欽定四庫全書

集部
考功集
目錄
卷二

詳校官中書臣葉元符

中書臣劉源溥覆勘

覆校官中書臣康儀均

校對官中書臣葉蘭

謄錄監生臣龔際美

欽定四庫全書

集部六

考功集目錄

別集類五
明

卷一

賦

四言古詩

樂府

卷二

五言古詩上

欽定四庫全書

考功集
目錄

卷三

五言古詩下

卷四

七言古詩

卷五

五言律詩

卷六

五言排律

卷七

七言律詩

卷八

五言絕句

六言絕句

七言絕句

卷九

書

欽定四庫全書

考功集
目錄

二

卷十

序

記

雜著

臣等謹按考功集十卷明薛蕙撰蕙字君采

亳州人正德甲戌進士官至吏部考功司郎

中故以官名集正嘉之際文體初新址地信

陽聲華方盛蕙詩獨以清削婉約介乎其間

古體上挹晉宋近體旁涉錢郎核其遺篇雖

亦擬議多而變化少然當其自得覺筆墨之

外別有微情非生吞漢魏活剥盛唐者比其

戲成五絕句有曰俊逸終憐何大復羸豪不

解李空同其所尚畧可見矣又蕙與湛若水

俱為嚴嵩同年嵩權極盛之時若水年已垂

耄而怵於利害不免為嵩作鈴山堂集序反

覆推頌頗為晚節之累蕙初亦愛嵩文采頗

欽定四庫全書

考功集
目錄

三

相酬答迨其秉政以後即惡其怙權病國不

復相聞凡舊時倡和亦悉削其稿故全集十

卷無一字與嵩相關其植品之高迥出流輩

是以詩格孤秀肖其為人其所樹立又不在

區區文字間也乾隆四十一年十月恭校上

總纂官臣紀昀臣陸錫熊臣孫士毅

總校官臣陸費墀

考功集原序

昔我武宗皇帝庚辰之歲余嘗從瑞泉先生游于京師
獲西原薛先生詞賦數帙尚則玄風聿祛末習漱羣籍
之芳潤擷百氏之英粵藻思鴻才卓哉有斐一時騷壇
詞圓操觚灑翰之徒邈焉寡儔先生方館章銓署欲晉
焉請益未之敢也今上御極之癸未余舉進士先生同
考之未幾振衣南州余亦分符北海思覲睟顏聆玄論
未之能也乃歲壬辰余官中土分按南畿既見先生乃

欽定四庫全書

考功集
原序

舍彼舊學棲跡丘園游心理域德音秩秩昭然發矇不
我誣已乃知大道靡窮達人無我瞻彼羣什道中一藝
云爾雖然尼父定刪風雅並述將以性情所感斯道攸
存詩以理之孰云徒作統之暢湮鬱之思達神明之德
通萬物之情格兩間之妙詩之為用大矣哉夫道不遠
人詩非離道一以貫之存乎其人追念遐思爰請舊作
以貽同志並叙厥學庶有所稽焉皇明嘉靖十四載中
春十日秦中李宗樞序

欽定四庫全書

考功集卷一

明 薛蕙 撰

賦

孤雁賦

孤雁感物也過水上有孤雁隨人家畜鷺鷥輩以取
食人或逐之輒飛去入左右洲渚間然終不遠去也
予游城西有野人指示予心惻然傷焉因作賦云
遵長河之峻阪出城隅以西徂望鴻雁於河漢岸徬徨

欽定四庫全書

考功集
卷一

而獨居容懇憐以愁賴音悽愴而號呼伊斯鳥之嘉淑
產異質於幽荒體貞信之至性動靜一其有常固羽族
之殊特衆鳥孰可與比伉故其行不失時止必擇所候
暖北逝先寒南下既冒險而涉危曾不恤夫勤苦惟衆
鳥之多智曰庇生之得宜弗一邁於艱難羨暇豫之無
期或巢山巔或游海涯奮首虹霓濯翼天池託戶牖之
巍巍下民莫得以或窺足無虛跼翼不勤飛資飲啄於
尋丈遷徙弗踰乎旬時何斯鳥之劬勞增荼毒其曷已

將材質之不倫固天命之難俟瞻北都與南國念家室之靡止道路賈以遼遠間一歲而萬里復有羣侶中迷雌雄死別目駭覓驚飛沉隔絕始迴遑而不進終躊躇以永訣爾迺背雲路下緒風依沮洳潛蒙茸捐燕越之故思甘愁苦而終窮雖六翮之尚在欲北歸其焉從於是淪形晦跡亡精失志牢落遠遷踰躅無寄痛衆雛之一隅慕同類之難值伺晨鳬而朝征逐鴛鴦以宵寐豈卑湫之敢辭恥衆目之猜忌聲未鳴而先絕翅將舉而

欽定四庫全書

考功集
卷一

二

復墜呻吟幽僻周旋林垌踐曠野之嚴霜食潢汙之流萍延性命以苟存非初心之所營遭志意之摧毀中無故而或驚況畏悸之叢至迫末路之惇惇避矰繳而往來因鷹隼之縱橫思逸樂之無遺憂慄紉其相嬰若乃陽律畢謝陰氣時作天清日迺草枯木落明月出兮皎皎野露皓以漠漠戀南游於朱厓懷北棲乎玄朔魂魄踈而怵惕顧形影之寂寞吐哀響之嘹唳志激昂而將躍動幽谷之虛籟停高門之曉拆聞之者悵悵而自憐

見之者歎歔而不樂嗟斯禽之可哀像羈旅而無朋因昆蟲之同感未若斯人之有情汎游觀而歷茲忽容與而不行詠鴻雁於周詩泣涕下而沾纓覽萬物之參錯悟大化之合并相吉凶與憂喜終同歸於杳冥齊百慮於一致孰云天道之不平

四言古詩

昊天贈崔子

昊天單威亦孔之棘惜莫有戾不寧我國我國斯瘼我

欽定四庫全書

考功集
卷一

三

民用卒如何昊天云不我恤

國之方將尚曰靡卜國之既悔伊何能穀昊天降詒弗遂弗畜哀今之人胡俾天拯

有捍者未維其頻矣民之劬勞不遑辰矣戎作在國內有寇姦王事弘多寧有其殫

國既大廢君子于解三事朋友莫之能誨卿士大夫曰予弗逮昊天鞠怒則莫肯悔

憂心孔疚念及我友彼人有言我孔之恥曰予維服憂

我父母舍是弗思憂我天子

曰彼在位曾不可耽如賈弗售載反其琛懿爾君子亦
徂于南送子出宿悠悠我心

昔我邁矣朋友相予既憇于卒我心如沮匪往匪來云
我靡處之子于行憂心孔痠

瞻印昊天則莫敢適既夷既屆則不我咎君子于行尚
顧其後大命不忒爰其有止

昊天八章章八句

欽定四庫全書

考功集
卷一

四

玄鳥贈蔣氏

翩翩玄鳥秋日載徂顙顙如何不遑室家悼我良朋憂
心瞿瞿

翩翩玄鳥載徂秋日顙顙如何不遑室家悼我良朋憂
心苑苑

翩翩玄鳥迨春而復之子于行將其不覲贈言匪多憂
心孔感

玄鳥三章章六句

晉七賢圖像詩

在昔有晉多士間出發揮上德彌綸道術遐蹤齊鷺高
軌競軼竹林之徒厥維入室阮公矯志貴利弗就流連
沉湎却彼婚媾英材儼然殆廼天授大人有傳跨騰宇
宙我我中散龍章鳳姿彷徨丘澤咀嚼雲芝神交隱淪
精感靈祇解形東市人靡能閱邈矣參軍神棲亡愕瞬
息萬代跬步六漠蔑盼貴介眈彼三爵禪中之譚實維
善龍仲容秀發頡頏叔父神闇均律妙洞擊拊郭奕心

欽定四庫全書

考功集
卷一

五

醉荀勗妒嫖始平之出何其外迂向子清悟莊惠同科
折辭神緯揚此玄波佐鍛抑下灌園巖阿徘徊鳴笛惻
愴如何巨源簡靜夙懷高舉逸巡待價儀刑朝序拔材
銓選畫議軍旅至道在躬是曰餘緒濬冲朗鑒神量玄
遠時哉多辟降志舒卷並美張裴附交嵇阮酒廬結懣
微情繼繼川則珠輝山維玉絢猗嗟七子亶時之彥中
行雖忒聿協狂狷丹青式續精爽如見

壽顧華玉母分得雲林夫人

金臺曾構瑤波潭池王母攸廬問誰侍坐姍姍季女一
何秀靖迺曰雲林仙人字我色倖瓊藥雲髮翠安陵歷
滄浪出入靈璫鳳飛戩晉龍輶姁娜却陰芝蓋俯拾玉
果圓有洪桃花萼未墮紛紜周漢間如石火湘靈舉楫
洛妃擁托兼棲海右今邀江左

顧東江先生遺善堂詩

紛綸靈系昭晰瑞圖在昔帝嚳爰及昆吾嘉祥誕發茂
慶攸數比暉四姓著美三吳其一谷水盤紆崑山岸寧鬱

欽定四庫全書

考功集
卷一

六

彼顧林本支斯託豐譟未艾聞人間作式覽厥初匪今
伊昨其二三五迭終公侯復始維少宗伯克昌其祀祇勤
于德令問不已士瞻師表國賴耆齒其三履滿思謙居崇
鑒替于時念哉詔爾苗裔曰求彛訓曷以永世無或昏
逾祖考是繼其四昔爾先祖遺善自名烈考嗣之率是攸
行奕世載德用底昭明逝矣後昆無忝所生其五槃槃新
宮我我層構載傳祖號訓迪來胄畏愆若墜慕道罔後
天命不愾介爾蕃祐其六堂置詩書庭陳金石鳴鶴相喧

芳蘭如積入里修容過閭疎迹矧爾子孫孝思無數其七
玉葉遙興鴻源遐吐於赫祚膺通追祖武千億重規雲
仍疊矩我歌此詩以告終古其八

樂府

盛唐擬陽歌

盛唐擬陽歌者漢武皇帝作也元封五年帝南巡荆
陽親射蛟潯陽江中獲之作是歌

帝之狩順祥時察南服臚九疑會大海濟江淮朋神禹

欽定四庫全書

考功集
卷一

七

逝九閩江之沛蛟魚出顯君伎誅弗率鸞天弧孛流矢
雷電隕赤江水叱東井治江維波神平水虫嬉兇惡伏
帝壽昌邁盛唐出擬陽

交門歌

太始四年漢武皇帝行幸不其祀仙人交門宮若有
鄉坐拜者作交門之歌

朝泰一陟分丘降石閭臨之杳熙事成徧東西祈交門
肇迎年陳玉席潔椒瑋通八神召靈園嶺徠翔神光燭

祭中壇華紫炁元禮登告嘉辭靈允答與帝期靈交際
萬壽徵帝無疆仙為朋

上之回

上之回禮靈時神心愉祚皇社上之回定諸國西南輯
震東北上之回樂孔博游昆田歷鳴澤上之回樂無射
年萬億長無極

善哉行

來日大難痛心疾首今日為樂莫懲其後大難如何昊

欽定四庫全書

考功集
卷一

八

天不嘉吉凶有時人莫之知鹿之游斯在彼中野庖人
調和將以為脯翩翩白龍好是魚服豫且射之載中其
目少康出畋不復其舍戎王朝卧迺縛尊下式戒在始
式備在終匪戒匪備害于其躬天命戾止匪夙則莫勉
爾在位無俾天怒

煌煌京洛行

猗猗倚桐斤斯斧斯人之維良胡俾遺之豈弟君子人
之是穀君子不弘人之無祿絺綌在冬子曰有衣終朝

不饋子曰罔饑此之仡仡子曰不力彼之揭揭子曰不

直有管有蒯女子采之九九之術齊君禮之室周讓御
簡子是取臧文之賢譏於孔父吁嗟士人生之窮兮我
思古人惟周公兮

黃鵠篇

飛飛者鵠于彼蒼天大風阻斯羽沉于淵有松有栢其
枝嶢嶢雨雪迨斯化為枯薪烈烈冬日蕭蕭北風雖有
神龍宛彼地中天命有假人謀有仍嗟哉士人曰予無
能舟利于川弗利于陸君子于行維顛之速相彼哲人
爰得我匹且以嘯歌且以永日

臨高臺

臨高臺下有萬丈之洪波羣山沓蹙第鬱乎其隈疾風
起兮南北陂池沸渭而成雷時却顧以自失心慙慙其
傷懷北望深林叢生崔嵬柯條糾而旋互榮采駁弊乎
巖崖衆鳥哀鳴聒日夜猛獸垂喙旋踵而徘徊嗟君無
萬斛之淚胡來乎此地一來此地何由迴

欽定四庫全書

考功集
卷一

九

雞鳴篇

雞初鳴日東御月徘徊招搖下雞再鳴日上馳登蓬萊
闕九聞雞三鳴東方旦六龍出五色爛

雉子班

雉子班五文章錦為衣繡為裳狀瓌異志勁剛美為災
技自妨媚雲羅掩天綱就樊檻辭山梁荷仁惠不殺傷
啄甘實飲清涼形柔睚意悲惶惟平生詎有常感恩遇
回中腸循周榮棲幽房委微命畢君傍

欽定四庫全書

考功集
卷一

十

君馬黃

君馬黃臣馬玄二馬並驅君馬前君馬前臣馬後山高
路長馬不走君當行臣當歸與君齊足馬能希

巫山高

巫山高鬱鬱襍帶亘天涯上靡白日陽下陵青雲眉玄
巖何差我層巘互參差景象非一狀遠望令心悲獻歲
出游獵千乘齊交馳翠帳羅曲阿羽蓋垂瓊芝龍騎踐
蕙圃鷗首歲蘭池回車背中路娛樂未云疲置酒景夷

臺設禮高唐祠君王千萬歲歲歲長如斯

江南弄

芙蓉嶼口茱萸潭朱唇一笑酒乍酣牽裾並袂歌江南
歌江南望塞北思不見情無極

鳳笙曲

白玉作筩黃金葉鳳翅差池凰羽接奇弄徘徊曲重疊
曲重疊聽增傷鷗雞舞白鶴翔

游女曲

欽定四庫全書

考功集
卷一

十一

春草纔生春水沒江南少婦歲春月步拾明珠曳羅襪
曳羅襪動春衣留中洲愴忘歸

朝雲曲

流光動豔影徘徊稍集楚館臨荆臺乍近復遠望不來
望不來竟偕逝攬女衣游雲際

趙瑟曲

春風初闌花半落美人扶瑟坐重幄促柱催弦勸君酌
勸君酌為君歌君不飲奈愁何

宮中樂

偶過昭陽館雕甍閉絳紗卷簾通一笑落盡滿庭花

從軍行

玉韜錦絲條珠鞵白雪毛甘泉望烽火一夜過臨洮

折楊柳

三月盧龍塞沙中雪未乾朝來折楊柳春色憶長安

采蓮曲

眉暈風吹薄衣香水濺消朝朝采蓮去空轉木蘭橈

欽定四庫全書

考功集
卷一

十三

綠水曲

春洲霽煙雪潺湲激綠水戲羽亂參差開花雜藿靡綽約蕩舟人嫵媚弄珠子芳菲不可忘冶麗復如此

隴山

隴之山兮在彼西北子之征兮防禦中國隴上之木鳥不肯息隴下之水魚不肯食

游俠篇

君不見翩翩游俠子虎變龍淪世叵測轉海摧山力無

比君不見闔廬堂上養死客吳王酒酣客進炙千金匕

首匿魚腸俄頃蛟龍飛霹靂又不見夷門老翁屠肆兒

陸沉大梁人豈知竊符奪將付公子秦人北解邯鄲師

古來豪傑皆若人意氣激昂肝胆真傾軀寫心不自惜

排難解紛如有神丈夫自是英雄者左拉荆軻右古冶

寧當刎頸卧道傍誰能搗死蒿蘆下君不見虞卿跼蹐

絕可憐託身魏齊捐相權平生著書萬言在不如刺客

三尺之龍泉我今落魄復如此放歌飲酒長安市結客

欽定四庫全書

考功集
卷一

十三

曾過滄海君報讐欲借幽并士酒闌擊劍歌莫哀眼中
豎子何有哉明朝事就拂衣去却隨梅福觀蓬萊

聖人出

聖人出應昌期受命上帝下民咸來歸聰明冠羣倫道

德何巍巍虛已彌謙畏入有輔弼出有師俊乂起為股

肱讒佞比周退而無所施教化之行自京畿四方取則

莫我違人草其心不自知復反醇厚去澆漓和氣網緼

風雨時百穀被野多如茨醴泉流溢生靈之慶雲在天

神爵飛四門大關通九關南面端拱垂裳衣羣臣上壽
獻歌詩天子萬年兆民永賴之

戰城南

戰城南軍敗歸卻行入城為虜圍虜圍急士心悲外無
援兵虜馬縱橫馳顧謂同舍兒旦暮迫死期虜來殺我
盡何人報我子與妻戰城南良可哀今年出戰不復還
明年更驅生者來暴虎或可活擊虜決不回請看長城
下白骨何壘壘吾聞古者天子守在四夷何必使中國
之民填溝壑於匈奴之地為

欽定四庫全書

考功集
卷一

十四

短歌行

蟋蟀在堂野有繁霜我心悽悽不可暫忘豈無旨酒可
以燕游豈無琴瑟可以娛憂瞻彼日月終古而在百歲
之期寧莫我貸人亦有言道憂世促千載一遇匪遲伊
速異世而合夜夢周公同堂而違仰視飛鴻秋有枯槁
春榮則多嗟我人斯其如命何

君子行

君子思危懼不終日衆人居安沒齒自逸君子思退如
迫于淵衆人思進如逐于田損益之變何其相反苟非
明智孰能及遠人知其終莫知其始吉凶之萌鮮不由
已上天無私何怨何親福不擇家禍不索人道有險易
事有從違於乎小子慎爾所之

隴頭吟

沙漫漫石簇簇馬仆車摧隴山曲隴山日日行不前夜
夜還從隴間宿關東只說羊腸坂那知隴坂如天遠隴

欽定四庫全書

考功集
卷一

十五

阪逶迤距西域古來此地希人跡山川本是隔華戎君
王直欲吞夷狄自從漢虜互相讐塞上風塵無日休幾
羣天馬來荒外百萬征人戍隴頭堪嗟百萬征西卒半
作隴山山下骨誰為戎首禍斯人後有漢武先羸秦秦
家無策良可嗤漢制匈奴空爾為願令邊郡謹備寇不
用中原多出師

日出東南隅行

日出東海隅西入崑崙墟六龍踴躍駕日車往來萬里

裁須更人生寄一世逆旅難久居義和何不仁感迫更
相驅顏回短折果何辜老彭竟化千金軀蒼天夢夢白
日間居然不辨賢與愚吾將命后羿仰射三足烏焦旆
弋鴻鵠作計良已踈魯陽揮戈等兒戲夸父奔走空區
區西方調御之丈夫教我脩道歸虛無虛無國中無壽
夭一任義和變昏曉

猛虎行

饑不從猛虎食貧不從權貴游猛虎窟中多惡少貴人

欽定四庫全書

孝功集
卷一

十六

門下非清流蒙鳩巢葦菰乾鵲代渠愁飛鳶啄腐鼠鳳
凰見之悲且羞長安道上車馬客處身頗似二鳥儔芭
苴不獨結諸公屑舌還能媚五侯紛紛豎子焉足數可
惜英雄亦同伍賢人翻在平津閣文學來依車騎府男
兒貴作不羈士逶迤匍匐何辛苦君不見會稽狂奴真
倣倨萬乘留之徑歸去羊裘懶卧七寶床釣竿笑拂珊瑚
樹

出塞

陰山虜騎喧上郡羽書繁匈奴入邊地將軍出塞垣奇
材募荆楚善射選樓煩朱旗類電掃玄甲若雲屯懸師
度沙漠飲馬抵河源金鼓青天動風塵白晝昏怯夫思
勇鬪死士恥生存月氏方破滅日逐盡崩奔都護領西
域呼韓守北藩當今四荒外咸知大漢尊

元會曲

握乾御紫極出震撫青陽履端受百祿朝宗來萬方玉
輅充庭陛金奏響嚴廊垂衣揖羣后置酒燕周行欣欣

欽定四庫全書

孝功集
卷一

十七

醉湛露穆穆仰天光千春賀元會懽娛良未央

對酒

畏塗有千慮勞生無寸隙唯餘對酒時暫作伸眉客妖
姬雜睇笑懽友連衿烏相逢判一醉錢刀非所惜

春游曲

春來春驟好春游須及早招邀南國姝追逐東郊道合
尊圍綺樹調絃藉芳草人生非取樂空令少年老

長安道

神州應東井天府擅西秦雙闕南山下千門渭水濱公卿畏主父賓客慕平原方朔何為者虛稱避世人

洛陽道

鳳闕正中天龍池帶洛川層城三市列複道兩宮連錦障藏歌伎羊車戲少年更逢嵇阮輩長嘯酒壚前

劉生

劉生苦輕俠關輔遍經過新市踴躍戲高樓擊筑歌駐車訪朱亥爭博叱荆軻不為微名譽惟矜意氣多

欽定四庫全書

考功集
卷一

十八

關山月

迢遞關山道淒涼霜露時如何秦地月亦自到天涯切切胡笳怨蕭蕭邊馬悲高樓有思婦苦樂詎相知

驄馬

驄馬負奇氣昂昂態不羣綠駿搖鳳鬣赤汗染龍文晚影思邊月長鳴向朔雲願馳千里足一戰立功勳

送遠曲

勞勞亭下秦淮水錦帆搖搖繫沙尾少年遠作萬里行

愁結雙城低不起向來祇為新知樂不悟翻成別時惡尊中安得千日酒同埋黃壚亦何有

江南曲

江南光景殊無賴水如碧玉山如黛吳王舊苑芳草多鴛鴦飛過斜陽外船頭醉岸烏紗巾興來遍看江南春五湖倘遇范少伯奪取當時傾國人

隴頭水

隴關出塞路征客離鄉思忽聞嗚咽水共下潺湲淚

欽定四庫全書

考功集
卷一

十九

夜夜曲

烏栖瑣窓靜露下羅衣薄脉脉對蘭缸夜夜同煎灼

芳樹

芳樹榮春日萋萋盈後園絳房承露坼素葉向風翻散影連雲屋吹香入綢軒美人來已暮零落復何言

白雪

白雪擅紛華耀此玄冬暮縈迴飄朔吹蕭散流陰霧已並粉闌鮮還增玉階素願欲集君庭皓齒多相妬

將進酒

將進酒杜康之族無不有處州玉露金華碧襄陵鵝黃
河內白我家綠醞亦無敵五君合計幾萬石一日一石
當擊鮮樂飲可支三十年不須虛無求列仙不須枯槁
縛幽禪壺中之道極玄玄養神鍊魄合自然眼花耳熱
體蹶蹶舉觴一酌滄浪天天地變化無時休日月出沒
不少留人生戢戢蜚蟻倚須臾零落歸山丘開闢至今
八萬秋古人冤魄猶在不喟然念此令人愁惟有杜康

欽定四庫全書

考功集
卷一

十一

堪解憂君不見咸陽白帝子并吞六國心未已百年謾
作萬年計恰似蜉蝣望秋水又不見西楚重瞳公諸侯
震盪趨下風暗啞咄嗟氣蓋世螳螂怒臂將無同兩雄
恣睢浪自苦自餘么麼何足數君當快飲我起舞樂哉
醉鄉真樂土作歌者誰君采甫酒徒之名垂萬古

行路難

三首

君不見山中行人羸虎腹復有貪狼飽人肉天生二物
毒爪牙比似讒人未為毒讒人之毒在利口能覆邦家

如覆手一夫中傷那足悲萬事紛紜真可醜君不見伯
詭加誣子胥刎越師西來吳國盡又不見上官納諸屈
原死楚王翻為秦地鬼讒人反覆不可憑變易是非移
愛憎重華聰明疾讒說詩人怨憤刺青蠅青蠅營營點
垂棘讒口嚚嚚排正直已於平地置機穽更向通衢布
增弋可憐秦雉死道邊總為奸邪在君側行路難行路
難只在讒人唇吻端寧當脫屣蹈東海不須驅馬入長
安

欽定四庫全書

考功集
卷一

十一

我歌行路難什百之端歌一端大夫委質事天子豈謂
當由左右始九重遠遼遠蔽多疏賤孤臣竟誰恃君不
見賈誼上書談世務漢皇欣然絳灌怒抵言旦暮即公
卿一麾却作長沙傳又不見董生硜硜守廉直儒者安
知丞相力白頭不得里中卧遠徙膠西驕主國二公之
事畧無異史策紛紛多此類餘風積習傳至今覆轍危
機在平地沛國迂儒不曉事酷信丘軻泥文字往年抗
疏撓逆鱗賜玦歸來十二春豈無高足據要津未肯低

眉千貴人貴人方寸九折坂況我三輪行不遠帝閭無
路欲何之五岳尋仙未應晚

男兒有事在四方我今胡為不下堂白首徒懷經濟策
青袍虛忝尚書郎早年不睹道路澁慷慨登朝期樹立
萬分論議甫一吐羣小猜讒俄橫集自茲投劾歸田里
洵洵風波猶在耳敢恨流離世不容獨幸崎嶇身未死
摧藏無復異時意攀援永謝同朝士始悟高賢好長往
却愧頑疏昧知止君不見當時汲汲魯中叟寒裳濡足

欽定四庫全書

考功集
卷一

五

常奔走七十二君冀一遇枘鑿方園終不偶楚狂悲歌
傷鳳哀鄭人竊悼喪家狗大聖行藏且如此小儒功名
亦何有閉門不免憂饑寒出門險巇千萬端禍福重輕
君自看不如解却頭上冠懸車繫馬但高卧莫歎人間
行路難

從軍行

少小慕功名擊劍復談兵誤信封侯事甘作從軍行一
朝備行伍幾處罹辛苦西南通遠裔東北據邊土武帝

雄材畧土宇新開拓銜命馳嚴馬登壇延衛霍諸將竟
邀功歲歲出臨戎勒兵盈塞外發卒徧關東騷屑干戈

動蕭條田野空廟謀貪戰伐邊隙開胡粵軍興急星火
兵連淹歲月戈船下厲水策馬踰葱雪山川行未半容
鬢驚凋換寒水手指慙炎風肌肉爛思鄉已淚盡望遠
堪腸斷怫鬱魚泣津凌兢猿眩岬悠悠歷絕國險道何
傾側虎穴詎可入鬼方寧易克間使閉昆明單兵陷疏
勒全軍有天幸從吏無人色天時變殺機壯士奮兵威

欽定四庫全書

考功集
卷一

五

飛矢風鳴鏑推兵血濺衣長驅五王國大破九重圍萬
里懸旌出三軍奏凱歸邊垂日無事烏盡良弓棄行直
貴臣憎功高同列忌賞格多排沮謗書仍負累白頭還
士伍赭衣從吏議輸力奉明君忠邪不見分丹心徒貫
日劍氣拄凌雲人事竟莫測天命諒難聞可憐麟閣上
不畫李將軍

長門怨

新懽待清宴舊寵棄深宮相妬本相似君恩那不同歌